

將欲取天下而為之吾見其不得已天下神器不可為者敗之執者失之夫物或行或隨或虛或吹或強或羸或接或隙是以聖人去甚去奢去泰

以道佐人主者不以兵強於天下其事好還師之所震荆楚生故善者果而已不以取強果而勿驕果而勿矜果而勿伐果而不得已是果而勿強物壯則老謂之非道非道早已

夫佳兵者不祥之器物或惡之故有道不處君子居則貴左用兵則貴右兵者不祥之器非君子之器不得已而用之恬惓為上故不美若美必樂之是樂敵人大樂敵者不可得意於天下故吉事尚左凶事尚右是以偏將軍居左上將軍居右言以重禮重之敵人多以悲哀泣之戰勝以重禮重之

道常無名樸雖小天下不敢臣王侯若能守萬物將自賓天地相合以降甘露民莫之令而自均始制有名名亦既有天將知止知止不殆辭道在天下猶川谷與江海

知人者智自知者明勝人有力自勝者強知足者富強行有志不失其所者久死而不土

者壽

大道汎其可左右万物恃之以生而不殫成
功不名有衣被万物不為主可名於小万物
歸之不為主可名於大是以聖人終不為大
故能成其大

執大象天下往往而不害安平太樂與餌過
客止道出言淡无味視不足見聽不足聞用
不可既

將欲翕之必固張之將欲弱之必固強之將
欲廢之必固興之將欲奪之必固與之是謂
微明柔弱勝剛強魚不可脫於淵國有利
器不可以視人道常无為而无不為侯王若
能守万物將自化化而欲作吾將鎮之以无
名之樸无名之樸亦將不欲不欲以靜天下